

《中國地方藝文薈萃》編輯會 編

學苑出版社

中國地方藝文薈萃

藝文卷·第二輯

華東卷・第二輯
拾

中國地方藝文薈萃

《中國地方藝文薈萃》編委會

編

第十冊目錄

國朝常州駢體文錄三十一卷附結一宦駢體文一卷（二）	一
高郵四家詩鈔四卷	三八三

國朝常州駢體文錄三十一卷
附結一宦駢體文一卷（二）

國朝常州駢體文錄三十一卷附結一宦駢體文一卷（二）

（清）屠寄輯

據清光緒十六年（一八九〇）刻本影印。

國朝常州駢體文錄卷第十五

崇百藥齋文

陽湖陸繼輅祁生

攝山采藥賦

吾師莊達甫徵君爲攝山采藥圖以示繼輅繼輅久從徵君遊爲能知徵君之深者徵君抱經世才嗇於遇不得施寄意林泉閒行歌采芝同夫作者蓋蜀莊沈冥固君子之所尙也迺爲之賦曰

回青氣兮遠風散芳馨兮奚所同廓含秋而一顧羌眇然兮山中山則仰幹斗維縹絡江渚前蟠句曲後躡龍阜雲霞蔽虧峯巒指拄墮石齒齒兮荒厓嶙嶙飛水閼谷兮恍若有聞深林寂以窈窕上蟻狄之所羣仙田兮靈畹枝香兮葉短逮紺艸之可擷及朱華之未晚爾乃神藥奇艸周羅駢生黃良白昌赤節朱巖金鹽玉豉珠英石精桐君之所未錄農帝之所不名裳緇絰於深莽步遲回於康賓芳菲菲其未迷磴盤盤而難上孰好修兮在予極勞心兮憊惓惓兮眇絲心眩回兮屢遷擣重滯於五難接輕鸞於九僊指若木以寫意拾瑤艸而悠然亮覽察其可得兮願從攀蘭而扈荃

牽牛考賦

猗閒庭之小艸有籬畔之牽牛託嘉名於河鼓舒柔條於勁秋感匏瓜之久繫念良會之阻修奚天漢之可涉步階墀而夷猶於時玉露雷華冰輪返駕翠黛連娟綠鬟低亞乍現景於優曇遽委形於瓜柳詎朝暉之不接兮隱幽姿之速化刻移陰於曲檻兮悟榮枯之代謝彼羣卉之自炫兮孰芳華之可貴儻塵夢之易覺兮竚星辰於今夜亂曰

飄風兮吹衣望靈鳥兮來遲願引蔓兮湘竹紛別淚兮帝妃諒離居兮自古匪獨處兮
在茲

絡緯賦

伊秋人之無寐兮紛百感之忉心有蕭蕭之絡緯兮蒼哀響於孤吟翳片葉而爲安兮
奚喧喧而不已豈宵杼之罔顧兮迫寒侵於在己維春鳥之催耕兮亦中夜之啁啾諒
棲啄之易遂兮抱盈歉之隱憂羌物小而志大兮懼多言之見尤彼鷹鷂之斂翼兮方
煦姬而爲德汝既不與蠓蟻以爲羣兮宜含貞而守默毋強聒以終宵兮愴僑居之淒
寂

周南書院寓室銘

亭亭瑶林非鷦易棲英英香艸寸根不移何以卻疾飲芳會菲何以延年沐玄浴微懷
哉斯室旣安且夷敬業以勤樂羣而嬉佛戀三宿莊適一枝永朝永夕云胡不思惟屋
有烏惟木有莢用告後來眎此銘辭

周保緒書贊

并敘

黃生承谷好臧保緒書暇日出以視余詫爲絕特亦嘉黃生之能自得師不可無以輔
其志乃作贊曰

翳儒生之一藝紛異說之百端誠首涂之是謹諒筆正之有源昔冉氏之多能孔聖亦
爲之永歎旣琴乖而劍棄聊寄興於柔翰操縱適度呵睨四周雄虹雌蜺左旋右抽鏘
鳴珂於逸足馴野鶴於勁秋遠而望之若蓮苞乍放迎朝暉而振采近而際之若蘭心
初展滋曉露而未收吾聞信此者繼彼徇人者喪我惟譽息而毀喜斯古卽而今離矧

斯邕之合體將姑舍乎絲義奚許史之屏障足惑志而有他願卽小以箴大慰跋路之
湯沱

兩晉名賢贊 并敘

楊生方訓讀晉書卒業問於余曰王太保列名臣之首傳嵇侍中標忠義之始篇二公
者豈惟典午之彥其殆百世之師乎余未有以應也他日又以爲言迺仿袁彥伯三國
名臣之例而小變其體裁爲贊十有六章非敢進退古人聊紆向往之懷比於益各之
義其辭曰

雪涕游山角巾歸里倚嗟太傅去人遠矣戎衍誤國胡廣之徒惟君見微抑其朝雲鄰
敵引觴遺碑墮淚尙許之朝見此豈弟漢文短喪虧孝傷化惜哉傳元矣阻鴻議

辛祐

傑士晚達廉讓易虧我懷司徒不忘澗阿旣乖夙心克終台輔故宅風摧縣絲塵數伊
古有訓以人事君避嫌遠謫豈節之純倚嗟司徒后事在懷屈抑之士微君安歸

山濤

城陽將種勳在漢廷錚錚僕射肖其家聲重華受禪乃方桓靈靈非厭辱帝歡不驚一
言之容臣主俱榮我懷汲黯彌歎鄉生平津在旁臣臯當刑敬告有位勗哉交成

劉毅

志烈才雋終摧鳳羽嗟哉步兵沐身良苦壞牆治郡乘驢赴官飾行爲市匪君所安酒
云忌憂乃更悲涕惟拒勢昏藉茲醇醴心孤跡晦大昌其詩遺音誰嗣悠悠我思

阮籍

高士好游弱冠不學聖善承訓一言而覺修名既立外慕悉捐孰云處賤非居之安孰云貞疾非壽之原徒日委心其然豈然道因文見惠以靜成顧謝莊老是爲幽貞

皇甫謐

子上肆虐戮直護前義非率土恥共戴天哀哉孝子坐不西嚮庭柯謝榮驚雷收響眷戀耶墓寇來不遑福禍變常天高難問於庠孝子遭難罔恫父以殫死安用考終

王袁

羈宦多感鄉思轉深況逢搖落秋風在林旅菜蓴羹復何足道客緒蕭條遂關懷抱未知吳中孰君故人應有清酒爲滌俗塵賤老相尋榮壯俱去達哉季鷹善處遲耳

張翰

烈烈豫州擊楫渡江既定譙城遂厥季龍渾河以南盡爲晉土鋒刃之餘克善懷撫枯骨銜恩荒田闢菴幸哉遺黎遇此慈父天不右國妖星乍明云亡之悲豈惟武鄉

祖逖

江左名世溫生堂堂玩敦於掌鳳鸞不行跡其才智近乎縱橫豈知求仁亦貴有術吾舌猶存非卿可拔功名之際悔吝所生苟乏學術鮮能持盈辭政歸藩君子之成

溫嶠

安西守節強藩內忌侃侃爭言爾乖逆志涉險不驚忠信足恃鳳德懷鵠豈徒天祐鎮軍無機渾然天民風動帳開乃見嘉賓省書輟哭遺疏舉親此父此子厥義惟均

郗鑒

巖巖忠貞嫉惡若讐子臣兩議名敎是憂奏推澄鯁坊民以禮彼哉導亮何足語此敦

既作賊晦亦因終我識王謝本稱名宗懿歟忠貞妻義子孝是爲高門全家蹈道
卞壺

玄言羣矜實學將廢觥觥弘農許鄭是繼宗經述聖何擇之嚴擁篲企躅何言之謙策
員骨智道無倖吉古皆有死願盡今日悲風蕭蕭城南之岡應有雲螭迎君帝旁
郭璞

名卿拒諫勝情妨要寇至登山事同休笑右軍高曠實異老莊三書論事炳何煌煌貞
觀好文傾心書翰遺大稱小疑乖素願臨流感逝望遠傷離我游蘭亭愴焉悲歌
王羲之

文靖柄政恢廓自喜信天之極誕受嘉祉不憂不惑旣安旣夷自抱仙骨學步則非抑
間在管相策羣才簿書期會吏胥所能日勤與慎非道之該由斯以談曩乎遠哉
謝安

沒世無稱君子所懼鍾鼎旣乖爰有造箸奈何盛年好及博奕隱雖無文志言可采題
戶書紳佩茲良誨寒榮照夜如日之升我贊晉賢附以平陵嬌學之士庶幾可興
王隱

我聞先聖論定逸民孤竹而降寥寥數人猗與靖節非君不仕徒日名孫淺之言志文
辭之美婦孺所欽徒日閒適未爲知音嗚呼靖節晉邪宋邪不知有漢言之慟邪
陶潛

郊城縣續志敘

昔在元狩實載東封降及天禧天書是崇於惟

高宗德隆三大侯不邁哉孕虞育夏 帝曰省方民瘼是詢星雲麟鳳元符勿陳 天章煥炳 湛恩龐洪萬物慕思與天無終志 巡幸弟一

孔式負版姬拜民數衛民庶哉伏居斯懼郊今大縣劇于附庸生齒既繁詎無哀鴻催科撫字何道之從 皇清御宇久安長治減稅蠲租億萬萬計願良有司慎體 聖意

志田賦弟二

煌煌吉禮疏數有經人和年豐奉盛斯馨我 皇稽古特崇司命光輝粵新 文治彌盛旁參道臧兼及僊真凡茲禋祀皆以爲民太乙漢祠玄皇唐祖遐哉 聖清度越萬

古志秩祀弟三

郊濱東海古風可懷蘆簾竹閣是名官齋毋曰傳舍爾瞻所集昔賢大夫一日必葺講院之設矧以育材不植桃李乃生莓落重門勿局疏櫺自啟或有幽人來置圖史志建置弟四

郡縣肇設粵資循良東海名守淮陽平陽淮陽卧治黃老是遵苟不善學不如克勤平陽尙猛手擊大猾良苗遂生藜棘斯拔水懦火烈諒哉前聞敬告有位勉爲惠人志職官弟五

漢舉孝秀周興賢能豈惟名哉實行是徵苟乏經術曷不負弩苟志溫飽曷不爲賈鄴瀕東海文瀾洋洋遭逢清時有善必章校文東觀侍讌西清敬畜光采以副盛名志選舉弟六

孔言十室必有忠信郊戶九萬豈乏傑雋志以節顯績以官成到今之譽志士所爭亦有躬耕不樂仕進幽人貞吉絕因悔吝如波載淥如春方韶琴靜壘和使人意消志人

物第七

齊魯之士以氣節名詩三百篇乃遺陶嬰嗚呼聖人慮之孰矣榮名有歸反是辱矣硜硜宋儒刻論斯起翦髮髻面甚者橫死犄嗟女士丈夫所難今此不錄寥寥人寰志列女第八

儒林道學分自宋代空言既繁古訓斯晦東海經義日始后蒼肅也爾興炳何煌煌前志往哲兼列顏籀郊自多賢借才轉謬 聖清建極稽古右文勉爲實學以紹前聞志著述第九

惟古於辭殊塗同歸王盧淹忽駢儷乃衰東海人文齊梁尤盛前鮑後徐珠輝璧映夕秀待啟朝華易闢我來弔古招悵雲山沂河水清流河水深乘月獨往如聞孤吟志文章第十

邵蘭風哀辭

道光元年五月五日昭文邵蘭風卒春秋四十有九於虐哀哉當乾隆嘉慶間常軌昭文文學尤盛孫原湘子瀟蔣因培伯生竝偶儻自意意不可一世蘭風年未冠操筆與角兩君心服遂齊名其後子瀟成進士引疾去館至今未眞除伯生由他塗爲縣令旋以得過失職而蘭風終於諸生三君子者其豐於才而嗇於遇一也然蘭風非徒負才尤勇於爲義嘗應順天試被落雷居京師族子某聘宛平某氏愆期久貧不能昏婦家以爲言蘭風盡鬻其衣裘車馬僦屋宣武門之南馳書召族子至迎娶如禮因畱其夫婦婢媼給衣食甚具久之不忍遣去迨族子生子數歲蘭風亦再試不售困甚乃使附漕艘先歸余交蘭風二十四年時時與蘭風別最後別於宣南寓舍不相見者又四年

今春蘭風書抵合肥云苦左臂麻木余報書以止酒爲勸嗟乎造物者既審其遇矣豈復促其年耶而不虞天之不可測一至於此也往余刪定舊詩凡與蘭風往復之作適皆不錄蘭風展閱竟意不懌粹語余曰吾名乃不見於君文余笑曰繼自今有作輒存之未艾也然四年中卒未有作今乃爲辭以哀蘭風蘭風諱廣銓字甄士第四邵氏世以文學通顯有名齊壽者學者稱叔山先生從祖也祖齊然父垂惠母馬夫人妻錢氏子曰淵熾辭曰

嗚呼今日何日兮痛左徒之自湛越千餘年而悲未已兮乃復喪我蘭風信乎爲不祥之日兮雖生百孟嘗而何足以解萬古之傷心嗚呼哀哉子與我俱弱冠今初相見於金陵忽秋氣之蕭屑兮忽流霞之滿庭瑤簫兮玉篴墮天等兮瑤席招麻姑兮奉觴間雙成兮行采染山翠於高鬟兮繫圓靈於遙夕逮都門之重姤兮察豪氣之漸除方迎夏之多感兮飲天橋之酒壚孰先醉而悲來兮撫青琴而懷舊有櫻桃與芍藥兮進后華之廣褻日向曉而戒塗兮乍倥傯而容與照塵顏於桑乾兮見高寒之玉宇羌隱隱而闐闐兮紛雲輅之來下子偕返於碧城兮夜漫漫而獨語悟爲歡之無幾兮竝離憂之難再茲人天之永訣兮願緘愁而坐對嗚呼哀哉雖子身之久困兮文采爛其被體天旣玉汝於成兮乃今而逸子以死不可謂非天之厚子兮子毋悲於朝露當求屈子之竟而與之友兮發餘芬於蘅杜諒修短其同盡兮森湘江兮余將渡

從孫申右哀辭

申右名嘉應先考恭城知縣陸府君曾孫先兄桐廬知縣諱繼鑾孫從子國子監生耀遷子其少也嘗從先友莊君曾儀受經略皆上口以家貧故早出傭書學未竟然性好

彖刻見漢魏私印輒仿爲之往往亂眞人以后來未嘗以事辭道光三年十月廿九日
早於婦李氏年四十有八子佑驛先卒以兄子佑騫後十一月赴至合肥哭已爲辭以
哀之辭曰

上章之歲斗柄插酉汝來省吾一室斗方兩榻罄折牽舟岸居擁衾夜談間以悲歎時
復笑噉我初去鄉形神刺促如囚在拘自汝之來魚游圉圉稍自展舒官舍偃仄舉動
振觸坐炭負涂自汝之來人景燈光乍歸故廬雷逾十旬母疾邁返握手唏噓汝指庭
樹行當復來期桃始萼何圖不弔游丁大故既哀既孤甫及蚤鬻再膺酷罰殃逮童烏
頽仰慘痛人離鬼狎二豎睚眦沈痾經年泉臺在望跛不得趨恆榦委棄園扉大開匪
戚而愉於庠哀哉死孝死慈義何所附而殞而軀譬艸一莖曷培以茁孰刈使枯高高
者天福禍之宰詎殺不辜猥以骨肉不勝大願乞觀爰書於庠哀哉

雙白燕堂文

陽湖陸耀遬劄文

齊北瀛太守鯤紀 恩四圖總敘

夫華平之木應晞陽而被芬歸昌之禽望縵采而翮羽況復六磨服路之代五鳳調元
之年天鏡澄文地槃翕載通正和其嘉會介類推其永錫優賢之風歷試闔門之瑞允
升是以周宗熙業山甫著將明之才魯篇熾宣庶士多燕喜之譽嘉慶辛酉北瀛先生
以進士入翰林於時黃離繼明滄島重潤陽兆之禮既洽寶賸之書待纂先生珥彤史
歲紉匱仙室千七百水通波沈綠之池二十八宿窺景流離之篋中經校簿紺煙襲衣
石渠坐論華月升席蓮檠徹照卽對熙連之城金櫝旁開更入閩風之苑 國家東撫

開梧西綬壽靡南諸孫樸北燮禹雷鑿雲空紉周縝布昭蘇蟻蛭之穴頓斷鱗介之
涖顧彼中山邈當前戈斯地也魚門匹溢鯨路櫓槍鼉鼉浮嶼則陽轡逸翔落潦奔閭
則賁芒沸貫三重壑柵近絡揭天七九仰規斜縣赤道先生其蕩光塗皇華被隰祖楫
擊汰遠架鼉鼉之梁澹劍橫腰自得蛟龍之氣烏冠螺飾肅拜天人樹衣熊甲桶瞻漢
節懽斯舊姓梁木獸而申驅波羅邃居闕離禽而拊待蒙蒙焉喁喁焉擇喻乎德意警
慄於威棱者矣若乃長卿使蜀嚴助歸吳發印笮之符馳甌越之傳而成都父老僅有
王孫會稽故社惟傳友壻先生則具慶習祥重蔭剪楸華黍侑潔恒餽佐馨麟章綯其
舞衣霄露斟其康爵星旄燭夜大明孫子之垣海殞移風化成孝養之國畫繡之樂今
古蔑焉迨乎尹表三河割守百邑飭東都之禮復司隸之章祀鸞儀樹時見交枝歸雁
銜蘆多迎露軾爾乃雞渾上揆鳥帑鶉火之維鼇紀下清碧洛黃嵩之館鳳飛地闕龍
度天門銀蟾界壁俛鏡河仙石象高竈下臨震旦元夷秉鑿發玉簡於姒封榮光負甲
肅靈壇於姬壁皋稽擁旗屏翳承蓋湛甘醴於葦杖滲酸雨於輕輪是又陝左之芟畱
其蔽芾鮑氏之驄數其工步者也榮問懋昭祥祉蔚備爰志圖畫都爲四卷曰玉局校
書曰球陽持節曰蘭陔洗腆曰龍門秋禱盤礴之事旣章風詠之才滋盛異日南宮肆
閑麟閣躋列趙州萬戶繡平原之絲荒憬九驛謁承宮之貌呂溫授簡待著陵煙之銘
王褒宣德先諧中和之頌

石倉山館印譜敘 代慧公子巴哈布

懿昔青泥蒼水代有遺文赤玉丹章理參祕笈八會三元之錄肇自皇初五章九疊之
傳稽諸史牘周治繆篆秦廢古文刻符仿乎六書摹印通乎八體漢志載文隋志經籍

篆刻之作由來尙矣李冰之論印法也神明於規矩方圓徐宮之著印史也錯綜於陰陽奇偶龍蟠馬負聿開千古之圖書鳥跡蟲涎實萃百家之金石若夫官印私印書爵書名界朱白以成章出青藍而證古大書深刻圓亭軒閣之題密字排窠駢賦歌詞之句鸞乳災同於簡畢衷心功讓平刀雖因煮石以呈能遂濫觴而踵事苟適於用無美勿章肆屈曲於牢籠之中得微妙於筆墨之外是則廣堯章之諸彌見其多補松雲之編旁按莫盡者歟僕也弄璋夙志提印先徵載軀位而問奇衍巾箱而集古碧綾黃素背縫都鈐玉璽金題首標親押浣花紙上歷歷留筒章艸篇中纍纍襲策聚於所好兼收奚別乎古今愛則斯傳共賞何分乎雅俗雕蟲技小誠非壯夫之所爲吐鳳文成如見古人之可作云爾

陝甘總督那公夫人誄

嘉慶十有六年九月十五日陝甘總督那公繼室宗室夫人卒嗚呼哀哉玉柱陵隄金波逝陰娥筠霜薜苕瑄灰青胡云不榮彤華飛焯胡云不傷寒曜戢暑椒焚猶郁膏晷猶薰無百歲之樹檟有千秋之貞珉託旂旒以累德述鍾萬以圖芬乃爲誄曰

猗歟夫人坤輿粹鍾旣稱女師亦曰禮宗瑤澠儷光璇樞鬱彩植幹華銑分支靈海英英寶醴采采琅玕月竈祕儀星潢淵源失恃觸辰庀家笄歲內紀攝操羣季檢誨愔愔德音申申整暇授業扶風肅規林下搭音鵲集始旦雁離濱蘋滌藻竊心窵容契闊寢門貞吉中饋言默已諭志承克慰晨禽咭咭已潔脩股嘯鳥嗽嗽尙勤箴管食獨諸性適賦調辛衣獨安吉說禮娛身脫釧酬書徹環佐讀媼孀盈籤謨觴積軸光光夫子儀羽雲達出持禁節入侍皇闈含暉表冲摛謙以約儉守疏布政修帷薄求賢方雅致聘

高邱深仁螽羽均一鳴鳩二十八年作嬪君子馮翼安世穆宣陰禮君子於役西窮天山靈關春阻飛沙晝殷君子有行東奠滄溟捷屬宣房鏡激太史冥冥經緯安安鎮靜綜理閭幙代奉溫清金城贊政紫微促裝魚軒遠陟翟茀邁行華屋財臨高春遽莫脫簪不畱閬川難駐君蒿歸葬重嬰首塗猶垂總帳虛峙靈壺亦有茗華嚴妝婉束亦有姬姜委佗象服當時則榮沒世曷稱惟此上德千載其馨鬻封四結則松萬年往日莫追存名永傳嗚呼哀哉

陝甘總督章佳公夫人靈表

嘉慶十有六年九月庚寅兵部尚書陝甘總督章佳公繼室宗室夫人卒於署春秋四十有七其明年反葬京師臬檟振綱甘華秋穰常儀戢霸娥英夜寒昆侖玉橫沈九井而摘耀鍾山鑪冶歷三變而曜光不有壽珉曷彰輝策夫人係出宗室故鍾守陝西西安將軍恆瑞之女也生應靈和誕啟光度陽谷日噴秀華蓮之支神潢星殷疏析木之潤爰自羈髻垂芬珎璜範圖曲儀動式女憲幼喪母將軍奉使西域夫人扶翼內政檢誨羣季如成人焉閨禕總操經緯具布江左謝遏肅林下之規扶風賈逵受壁中之訓淑問以著播音允臧年十九繼室於公公故大學士文成公孫少孤奉太夫人教爲今名臣西京丞相世躋三能東海祕書光重七葉固知焦明歸昌諧長離而綏耀雲和振越叶咸池而効響是以儷瑣赤野合珎藍畦考鐘來雛饋案齋穆奉箴言於師氏虔展覲於威姑怡旨栗榛飭佩箴管白華絳趺侑廣徽之馨潔縹被疏帳侍公奕之溫清洎公影纓華省擁節封圻懷上將之河鼓總宣防於靈瀆夫人笄珈應圖蓂衣節步履貴能降處膏不腴宗嫺式禮於鍾珊須滕捐思於沱汜故得祥分燕姑佳筵泉耶琅玕擢